



№10 (10000)
3 ақпан
сенбі
2024 жыл

Жалағаш жаршысы



«zhalagash-zharshysy.kz»
ақпараттық агенттігі

Аудандық қоғамдық-саяси газет

Газет 1934 жылдың 10 қаңтарынан бастап шығады

Қылмыс пен жаза

Мұғалімдерді жұмысқа конкурстық қабылдаған

Облыс прокуратураның орынбасары Нұрболат Дүйсенбаев прокуратура органдары мектептерде жүргізген тексерулер нәтижесінде санитарлық-эпидемиологиялық нормалар мен ерт қауіпсіздігі ережелерінің көптеген бұзушылықтарын, мұғалімдерді конкурстық жұмысқа қабылдау, ыстық тамақпен қамтамасыз ету және мектеп ғимараттарында күзет қызметін көрсету барысындағы бұзушылықтарды атап өтті.



— Аймақтағы мектеп директорлары қызметкерді лаборант, ассистент қылып алып, мұғалім орны босағанда конкурс жарияламай 50-ден астам мұғалімді қабылдаған. Жалағаш ауданында және облыс орталығындағы мектептердің ғимараттарына бөтен адамдардың кірілуіне жағдайына эксперимент жасалып, нәтижесінде ғимаратқа еш кедергісіз қару жарақ және басқа да тыйым салынған құралдармен еркін кіріп шығуға болатынын көрсетті, — деді Нұрболат Дүйсенбаев.

Облыс прокуратураның орынбасары көмелетке толмағандар арасында құқық бұзушылық профилактикасына да тоқталды. Оның айтуынша, өңірде балалармен жасалатын құқық бұзушылықтардың саны жылдан-жылға артып келеді. Мектеп оқушылары арасында болса, әлімжеттік көрсету және жас ерекшеліктері бойынша топтардың өлі барын атап өтті.


Қылмыстың алдын алу, оны болдырмау құқық қорғау органдары мен атқарушы органдарға жүктелген басты міндет болса, бала тәрбиесінде ең бірінші кезекте ата-ана рөлі ерекше. Осы ретте облыс прокуратурасы мектептегі білім процесі, педагогтарды тағайындау, балаларды ыстық тамақпен қамтамасыз ету, олардың білім ордасындағы қауіпсіздігін бастап түнгі мезгілге дейінгі қауіпсіздігін бақылау, ата-аналарымен профилактикалық жұмыстарды қамтитын Жол картасын әзірледі.

Оқушылар жарақат алды

Шығыс Қазақстан облысы полиция департаменті баспасөз қызметінің мәліметінше, орта мектеп оқушысы екіншісіне суық қару қолданған. Қақтығыс кезінде ол жиналмалы кәдесый пішағын алып, қарсыласына сермеген. Салдарынан өзі де жарақат алды.



«ЖЖ» ақпарат



Жүректен өшпеген
Жамбыл жыры

4

Форум



Цифрлық платформа құру ұсынылды

ҚР Премьер-Министрі Әлихан Смайылов Беларусь, Ресей және Өзбекстан үкіметтерінің басшылары қатысқан Digital Almaty 2024: Индустрия X цифрлық форумының пленарлық отырысында сөз сөйледі. Алматыда 1-3 ақпан аралығында өтіп жатқан іс-шарада мемлекеттік басқару, өнеркәсіп, ауыл шаруашылығы және басқа да салалардағы цифрлық трансформация тақырыптарын қамтитын ауқымды іскерлік бағдарлама ұсынылған. Панельдік пікірталастарға халықаралық сарапшылар, сала көшбасшылары, IT және бизнес салаларындағы жетекші инноваторлар қатарынан 200-ден астам спикер қатысуда.

Үкімет басшысы өз сөзінде бүгінде біз жасанды интеллект технологияларының қарқынды дамуы, роботтандыру, сондай-ақ адам өміріндегі іс-әрекеттердің цифрлық түрленуінің күесі болып отырғанымызды атап өтті. Ол мұндай жағдайда тез бейімделу және бірден жаңа шешімдер қабылдау мүмкіндігі жетістікке жетудің маңызды факторына айналады деп есептейді.

Үкімет басшысы мұндағы бірінші және негізгі бағыт мемлекеттің азаматтармен және бизнеспен өзара іс-қимылы кезінде адам қажеттілігіне бағытталған тәсілді қалыптастыру екенін айтады.

— Өткенді еске түсірейік. Құжаттарды қағаз түрінде алу үшін көп уақыт жұмсауға тура келетін. Бүгінде цифр-

ландыру осы үдерістердің барлығын жеңілдетті. Қазір мемлекеттік қызметтердің 90 пайыздан астамы электронды форматта. Отбасының цифрлық картасы арқасында 6,3 млн қазақстандық отбасының деректері цифрландырылды. Жалпы мемлекеттік қызметтердің 40 түрі проактивті форматта көрсетіледі, — деді Премьер-Министр.

Стратегиялық міндет — өтініштерді өңдеуді жеделдету және қызмет көрсету сапасын жақсарту үшін жасанды интеллектті мемлекеттік қызметтер саласына интеграциялау. Бұл ретте дербес деректерді қорғау үшін қажетті шаралар қабылдануы тиіс. Үкімет басшысы бүгінде жасанды интеллект элементтері өндіріс саласында, қоғам-

дық қауіпсіздікті қамтамасыз етуде, денсаулық сақтауда, мемлекеттік қызмет көрсетуде және т.б. салаларда қолданылып жатқанын атап өтті.

— Жасанды интеллектті қолданудың сәтті мысалдарының бірі — CEREBRA медициналық платформасы. Ол сандық технологияны пайдалана отырып, инсультті жылдам диагностикалауға мүмкіндік береді. Өткен жылы Қазақстанда сәтті іске қосылған кейін жоба Өзбекстан нарығына да шықты. Ал бүгінде ұжым оны басқа елдерде де іске қосуға дайын, — деді Әлихан Смайылов.

Сонымен бірге ол жасанды интеллект құралдарын дамыту үшін ауқымды деректер мен есептеу қуатына қол жетімділікті қамтамасыз ету өте

маңызды екенін атап өтті. Яғни бізде барлық мемлекеттік органдардың деректерін шоғырландыру және өңдеу тәжірибесі бар.

— Қазіргі уақытта біз кәсіпкерлер мен стартаптар қауымдастығына жеке тұлға мәліметтері жоқ деректерге қол жеткізуді қамтамасыз ету тетіктерін пысықтап жатырмыз. Жыл соңына дейін біз ғалымдарымызды, ғылыми-зерттеу институттары мен бизнесті қажетті есептеу қуатымен қамтамасыз етеміз, — деді ол.

Өңірлік IT-экожүйені дамыту мәселесіне тоқталған Әлихан Смайылов өзін инновациялық кластер және стартаптардың негізгі серіктесі ретінде танытқан Astana Hub халықаралық технопаркін мысалға келтірді. Сондай-ақ ол бұл тәжірибені еліміздің барлық өңірлерінде белсенді түрде кеңейтіп жатқанын атап өтті.

ЖАЛҒАСЫ 4-БЕТТЕ.

Маман мерейі

Алтынай – үздік оқырман

Кітап – адамзат баласының баға жетпес байлығы. Ғылымның қайнар бұлағы. Шығыс ойшылы Әлішер Науаи «Кітап – ақылына ақы сұрамайтын алтын қазына» десе, Л.Толстой «Жақсы кітап оқу ақылды адаммен сырласқанмен бірдей» деген. Ал Абай атамыз «Танымның бар тамашасы кітапта, оған қол жеткізу үшін кітап оқудан жалықпа, артық ғылым кітапта, ерінбей оқып көруге» деп насихаттайды. Алайда соңғы уақытта жастарымыз кітап оқудан шетте қалып, қол үзіп бара жатқаны рас.

Осы орайда 2020 жылдан бастап Мемлекет басшысы Қасым-Жомарт Тоқаевтың тапсырмасы аясында ҚР Білім және ғылым министрлігі орта білім саласында «Оқуға құштар мектеп» жобасын қолға алған болатын. Ал бытыр аталған жобаға үлес қосу және оқушылар мен мұғалімдер арасында кітап оқу мәдениетін насихаттау мақсатында А.Байтұрсынұлы атындағы білім академиясының ұйымдастыруымен елімізде «Үздік оқырман» мұғалімдер байқауы өтті. 3 мың ұстаз қатысқан республикалық байқауға аудан абыройын аркалап 3.Жарқынбаев атындағы №202 орта мектептің орыс тілі және әдебиеті пәнінің мұғалімі Алтынай Медеуова қатысқан.

— Кітап оқуға деген құштарлығым бала кезден пайда болды. Алдымдағы аға-апаларыма қарап, 3 жасымда өліпнен оқып, 5 жасымда «Балдырған», «Парасат», «Ақжелек» деген журналдарды оқитыным. Кейін ертегі, әдеби кітаптар оқи бастадым. Негізі үйде анам кітапты жиі оқиды. Кітаптар жинақталған арнайы сересі болатын. Бірде сол середен «Абай жолы» романының I және II томын көріп оқымақшы болғанда анам «саған бұл шығарманы оқуға өлі ерте, кейін оқисың» деп бермей қойды. Ол кезде мен небәрі 3-ші сынып оқитыным. Анамның қарсы болғанына қарамастан шығармаға деген қызығушылығым арта түсті. Содан бірде анамның рұқсатымен кітапты қолыма алып, жалықтастан 3 күн бойы шығарманың алғашқы томын оқып бітірдім. Біздің бала кезімізде қазіргей кітап қолжетімді емес еді. Сондықтан болар, кейде кітапты ұрлап оқитыным. Мәселен, бірде көршімнің үйінің терезесінің алдынан Ә.Нұрпейісовтың «Қан мен тер» романын көріп қалдым. Сұрасам бермей

қояр деген оймен күртешемнің ішіне тығып алып, ұрлап шыққаным есімде. Үйге барып оқып болған соң көршімнен кешірім сұрап, кітабын табыстағаным, — дейді Алтынай Мансұрқызы.

Байқауға қатысушылар II кезең бойынша сығға түскен. I кезеңде олар 2023 жылдың қаңтар мен сәуір аралығында ұйымдастырушылар тарапынан іріктелген 5 кітапты оқып, 15 сәуір күні онлайн формат арқылы тікелей эфирде сұраққа жауап берген. Мәселен, олар Д.Исабековтің «Гауһар тас» повесін, Ш.Мұртазааның «Ай мен Айша» романын, Ә.Нұршайқовтың «Ақиқат пен аңыз» романын, И.Тургеновтың «Екелер мен балалар» романын, және Ш.Айтматовтың «Қош бол, Гүлсары!» повестін оқыған. Қатысушыларға әр кітаптан 2 сұрақ беріліп, әр сұраққа кемі 200 сөзден тұратын әссе арқылы жауап берген.

II кезең мамыр мен қазан айы аралығында өткен. Бұл кезеңде қатысушылар Б.Соқпақбаевтың «Балалық шаққа саяхат» повестін, М.Әуезовтың «Қиын заман» атты тарихи повестін, Б.Майлиннің «Күлпөш» повестін, А.Сент-Экзюперидің «Кішкентай шахзада» атты ертегі-повестін, және О.Балызактың «Жергілікті дәрігер» романын оқыған.

— Осы байқауда маған оқуға ауыр болған Мұхтар Әуезовтың «Қиын заман» атты тарихи повесті. Аты айтып тұрғандай, ол тарихи повесть болғандықтан тілі ауырлау әрі түсініп оқу қиын болды. Ал ерекше әсер сыйлаған Шерхан Мұртазаның шоқтығы биік туындыларының бірі — «Ай мен Айша» романы. Шығармада Айшаның күнделікті күйеу тірлігі арқылы сол замандағы қасіретті, қиындық, әділетсіздікті көресіз. Ол кезде тұрмыстық заттарға деген тапшылық көп болған ғой. Отты тұтататын күкірт



болмағанын тұтанған оттың шоғын өшірмей келесі күнге дейін сақтаған. Бір күні алай-дүлей болған кезде үйінде шок өшіп қалып, анасы баласын көріп ауылдан шок әкелуге жұмсайды. Әлі бала бір үйден кішкене бір шокты сұрап алып, оны шелектің ішіне салып ошырып үйіне әкеліп тұтатқан екен. Осы романдағы әр оқиға маған ерекше әсер сыйлады, — дейді ол.

Бір жылға созылған байқау нәтижесінде 3 мың қатысушының арасынан 50 ұстаз «Үздік оқырман» деп танылған. Айта кетейік, мақаламызға арқау болған кейіпкеріміз осы байқауда 335 балл жинап II орынға ие болды. Сондай-ақ ол 300 мың теңге қаржылай сыйақы иеленген. 12 қатысушы III орын иеленіп, 100 мың теңге, 6 қатысушы II орын иеленіп, 300 мың теңге, 2 қатысушы I орынға лайық деп танылып, 400 мың теңге

сыйақыны жеңіп алған. Мұнан бөлек 30 қатысушыға ынталандыру сыйлығы мен 60 мың теңге көлемінде қаржылай сыйақы табысталған.

Женімпаздар қорытынды кезеңде кітап оқу мәдениетіне қатысты шеберлік сағаттар мен семинарларға қатысып, ұлттық кітапханамен танысты. Қазақтың ұлы ақыны Абай Құнанбаев өз білімін жетілдіріп, көп кітап оқуының арқасында бірнеше тілді еркін меңгерген. Кейіпкеріміздің айтуынша, кітап оқудың ерте-кеші жоқ. «Тек оны қолға алып, парақтап оқу қажет» дейді. Кітап жас ұрпақтың рухани байлығы мен ой-өрісін дамытудағы тәрбие құрал екенін естен шығармағанымыз жөн.

Ақтоты БҮРКІТБАЙ

